



UDRUŽENJE DOKTORA
PORODIČNE/OBITELJSKE MEDICINE
Family Medicine Physicians Association

Na osnovu člana 15. Zakona o pečatima Federacije Bosne i Hercegovine („Službeni novine Federacije BiH“ broj, člana 9., 10. i 15. Statuta Udruženja doktora porodične/obiteljske medicine u, Skupština Udruženja na sjednici održanoj 14.05.2017. godine donosi

P R A V I L N I K

O UPOTREBI, ČUVANJU I UNIŠTAVANJU PEČATA UDRUŽENJA DOKTORA PORODIČNE/OBITELJSKE MEDICINE

I. OPŠTE ODREDBE

Član 1

Ovim Pravilnikom se uređuje način čuvanja, upotrebe i uništavanja pečata Udruženja doktora porodične/obiteljske medicine (u daljem tekstu: Udruženje), koje koristi u vršenju poslova iz svog djelokruga, a čija se sadržina i oblik utvrđuju u skladu sa Zakonom i Statutom.

Član 2

Pečatom se utvrđuje autentičnost isprave ili drugog akta kojim se odlučuje ili službeno opšti sa drugim organima, pravnim licima i građanima.

Član 3

Udruženja doktora porodične medicine ima znak (logotip) koji u kvadratu zaobljenih ivica plave i žute podloge, ima ucrtane četiri zvjezdice žute boje i tri člana porodice/obitelji u bijeloj boji.

Pečat Udruženja je okruglog oblika prečnika 40 mm. U sredini pečata nalazi se znak (logotip) Udruženja a po rubovima pečata je ispisano latiničnim pismom: Udruženja doktora porodične/obiteljske medicine, Family Medicine Physicians's Association.

Osim glavnog pečata Udruženje ima i pečate podružnice. Na tim pečatima nalazi se šifra za svaku podružnicu i to kako slijedi:

- Podružnica 1 - šifra za podružnicu Kantona Tuzla
- Podružnica 2 - šifra za podružnicu Kantona Sarajevo
- Podružnica 3 i šifra za podružnicu Zeničko-dobojskog Kantona
- Podružnica 4 - šifra za podružnicu Hercegovačko-neretvanskog Kantona / Zapadno-hercegovačkog Kantona i Kantona 10
- Podružnica 5 - šifra za podružnicu Unsko-sanskog Kantona
- Podružnica 6 - šifra za podružnicu Srednje-bosanskog Kantona
- Podružnica 7 - šifra za podružnicu Bosansko-podrinjskog Kantona

Kako je predviđeno Statutom Udruženja, aktiviranjem rada ostalih podružnica biti će izrađeni pečati za iste na način predviđen ovim Pravilnikom.

II. UPOTREBA PEČATA

Član 4

O izradi pečata i njegovoj upotrebi odlučuje predsjednik Udruženja, kao i o svim drugim pitanjima vezanim za pečate koji se koriste u Udruženju za obavljanje poslova iz Statuta u skladu sa Zakonom.

Član 5

Pečat se stavlja pored potpisa ovlaštenog lica za potpisivanje službenog akta, ako Zakonom ili drugim propisom nije drugačije određeno. **Pored pečata Udruženja stoji potpis predsjednika Udruženja, odnosno predsjednika Skupštine na aktima za čije donošenje je ovlaštena Skupština Udruženja. Izuzetno, za potpisivanje određenih dokumenata koja po Zakonu ne zahtjevaju potpis ovlaštenog lica za predstavljanje, predsjednik može ovalstiti i drugo lice.**

Pored pečata Podružnice stoji potpis predsjednika Podružnice, odnosno predsjednika Skupštine na aktima za čije donošenje je ovlaštena Skupština Podružnice.

Član 6

Pečatom može rukovoditi i upotrebljavati ga samo ovlašteno službeno lice, i to samo u svrhe određene Zakonom i drugim propisima.

Predsjednik Udruženja može u pismenoj formi ovlastiti drugo lice da čuva i upotrebljava pečat.

Član 7

O primopredaji pečata sastavlja se zapisnik u pisanoj formi, obavezno navodeći ime odgovorne osobe koja se zadužuje i ovlašćuje na upotrebu pečata.

III ČUVANJE PEČATA

Član 8

Pečat se čuva i upotrebljava u službenim prostorijama Udruženja, a izuzeto može se upotrebljavati van službenih prostorija, kada treba izvršiti određene službene radnje izvan njih.

Pečati se čuvaju na sigurnom mjestu.

IV.EVIDENCIJA O IZRAĐENIM PEČATIMA

Član 9

Evidencija svih izrađenih, uništenih ili nestalih pečata koji su izrađeni za potrebe Udruženja vodi Sekretar Udruženja, a sve pod nadzorom i ovlaštenjima predsjednika Udruženja.

V. UNIŠTAVANJE PEČATA

Član 10

Pečat koji je zbog istrošenosti ili zbog drugih razloga postao neupotrebljiv, kao i slučaju promjene naziva ili sjedišta Udruženja, mora se odmah uništiti o čemu se stara predsjednik Udruženja.

Smatra se da je pečat zbog istrošenosti neupotrbljiv ako se iz otiska jasno ne vidi tekst koji treba da je otisak pečata.

Pečat koji treba uništiti predsjednik Udruženja predlaže Upravnom odboru koji donosi odluku o uništenju, a sam postupak se vrši komisijski i o tome se sačinjava zapisnik.

V. NESTANAK PEČATA

Član 11

O nestanku pečata lice zaduženo i ovlašteno za upotrebu pečata dužno je pismeno obavijestiti predsjednika Udruženja.

Nestanak pečata mora se odmah prijaviti nadležnom organu i oglasiti u Službenim novinama Federacije Bosne i Hercegovine, a u slučaju kasnijeg pronalaska istog, taj pečat se uništava.

Novi pečat koji će se izraditi umjesto nestalnog pečata mora biti posebno označen.

VII. NADZOR NAD SPROVOĐENJEM UPUTSTVA

Član 12

Nadzor nad sprovođenjem i primjenom ovog Pravilnika vrši predsjednik Udruženja ili lice koje ovlasti.

VIII. ZAVRŠNE ODREDBE

Član 13

Ovaj Pravilnik stupa na snagu danom donošenja.

Predsjednik Skupštine Udruženja

Prim dr med sci Melida Hasanagić